



EX LIBRIS  
ILLVSTRISSIMI VIRI,  
DN. DAN. LVDOLPHI,  
LIB. BAR. de DANCKELMANN,  
S. REG. MAI. BORVSS. CONSILIARII  
STATVS INTIMI, cetera,  
BIBLIOTHECÆ ACAD. FRIDERICIANÆ  
TESTAMENTO RELICTIS.

86.  
100

Illustrissimo Principi ac  
Domino,

D. R. VDOLPHO,  
PRINCIPI ANHALTINO, CO-  
MITI ASCANIAE, DOMINO SER-  
vestæ & Bernburgi, &c.

*Cum illustrissima Principe ac  
Domiâ, Dn.*

DOROTHEA HEDWIGE,  
REVERENDISS. ET ILLV-  
stris. PR. ac Domini,

*Dn. HENRICI IVLII,  
Episcopi Halberstad. Ducis Brunsvic. &  
Luneburg. &c. Filiâ*

Nuptias celebranti VVolferbyti A. D. XXIX.  
Decemb Anno 1606. Sponsamq; illustrissimam  
dominam ducenti A. D. Calend. Martij  
Anno 1606.

Carmen scriptum ab  
ALBERTO VOITO CONRECTO-  
re Scholæ Servestanæ.

Servestæ, Excudebat Iohannes Schleer, Anno M. DC. VI.


08





# EPITHALAMIVM

*Carmen.*



Naus habet finem, finem, RVDOL-  
PHE. dolori (aulam.  
Pone tuo, Alcaniam luctu qui miscuit  
Iam Soror, & Saxo affinis, iam Filia Fra-  
tris, (sorore,  
Iam duce Tecciaco, & vestra prognata  
Spes nova Saxonæ, sacra spes altera RVDOL-  
PHE,

Debita naturæ solverunt, debita morti,  
Et fatis cessere suis, meliora secuti;  
Quorum semper honos, nomen, laudesq; manebunt.  
Tu quoque solve libens naturæ debita, Princeps!  
Sed læto magis auspicio, & melioribus anni  
Ominibus, cœloq; novas volvente Calendas,  
Debita solve libens naturæ, & gigne vicissim,  
Te qualem & quantum tanti genuere Parentes;  
Nomenque Alcanium generando in secla propaga.  
Iubila post fletus redeant, post nubila Phœbus.  
Ianus adest, novus annus adest, nova vota, novusq;  
Sol redit ad nostrum radijs felicibus orbem,  
Atq; novo super axe domum tibi ducit habendam  
Gvelforum illustri generosam stirpe Maritam:  
Quam Pietas, quam casta Fides, quam Gloria gentis  
Antiquæ, & Iuno comitatur pronuba, Amorumque  
Et genus atq; Venus, non probris illa nefandis,

D 2

Non

Non illa incestis Fratrum, Matrumque Patrumque  
Spurca libidinibus, summi que infamia coeli:  
Sed pia, sed sancta, & fidi bona Mater amoris:  
Qualis ubi os terris, caeloque ostentat honestum  
Lucifer ante diem, seramque ante Hesperus umbram.  
Ergo age, dive Pater Patriae, illustrissime Princeps,  
Ergo maritales animo jam concipe curas,  
Nec Pater & Pastor modò, sed bonus esse Maritus  
Perge, tuo exemplar pangens memorabile civi.

Tuque Dei dono Ascaniis concredita terris  
Divis orta bonis, divos paritura Deaque,  
DOROTHEE HEDVVIGIS, Superum venerabile munus  
Tolle pedem aureolum, Sorabisque habitata colonis  
Moenia, Arestinam late loca fronte serenas,  
Ingredere! & vestiga oculis, animoque require,  
Quem sonipes gemmis, & multo splendida auro,  
In mediis tanto portat fessore superbus.  
I, sequere! praecessit eques, praecessit ad arcem,  
Os, humerosque Deo similis, tua maxima cura:  
Qui te sub leges vocat & sua jura, benignus  
Qui Dominus blando Dominam te more salutat.  
Tu sexum venerare marem, & reverenter habeto,  
Imperioque, volens, parere aduesce virili;  
Disce iugum, sed cum caro tolerare jugali:  
Disce pati aequalem victrix patiundo futura.  
Salve Iuliadum decus, & quae nomine praefers,  
Munera certa Deum, unde venis, tecum affer Olympo:  
Ac populis quos, Diva, vides tibi pandere portas,  
Sis bona, sis felixque tuis, & concipe curam,  
Virgine deposita, Matris Patriae, atque Maritae,  
Nec te poeniteat confineis jungere terras,  
Nec breve iter turbet, neu te iactura propinqua

Saxoniae

Saxonix afficiat, dilecti aut cura Parentis,  
Aut Fratrum pietas, desideriumq; Sororum,  
Dum patrio fles nata sinu, dum Matris amata  
In gremio, Fratrumq; piis complexibus hæres,  
Cognatosq; inter carâ cervice moraris,  
Dum gemitu simul vrbs triplex, simul ægra supremo  
Digressu, & lacrumans vultu intabescit ituræ;  
Effusiq; domo cives è mœnibus altis  
Prospectant, mixtæque viris longo ordine Matres  
Vadentem omnibus faustis, votisque sequuntur.

Hæc etiam ora tibi Patria est, hic gente propinqui,  
Hic stirpis pars multa tuæ, pars sanguinis ampla,  
Officiis, pactisque, & Legum fœdere juncta,  
Hic domus, Hic regio est, vbi nullo tempore abesse  
Laudibus à magnis poteris, famâque tuorum.  
Ecquis enim Heroum Ascanijs non gaudet amicis?  
Quâque ferēs gressum, quoquò tua lumina vertes,  
Aut generis socios, aut alto sanguine junctos  
Inveries, Maternæ imprimis pignora gentis,  
Cognatosq; toros Regum, septemq; virorum,  
Quorum multiplici confirmas fœdera vincolo.  
Hoc nemus antiquum, sylva hæc est illa vetusta,  
Harciniis enata jugis, cui præsidet VRSVS.  
Nobilis hæc, nemorumq; Iovi, quæ maxima frondet  
ÆSCVLVS est, quam non hyemes, non flabra, nec imbres  
Convellunt, immota manet, multosque per annos  
Multa virum volvens durando secula vincit:  
Quæ fortes latè ramos, & brachia pandens  
Huc illuc, media ipsa ingentem sustinet umbram;  
Sub quâ casta Fides, sub qua pax aurea gratam,  
Et Themis, & Musæ captant, per fata, quietem.  
FRAXINVS hæc illa est, mediis pulcherrima sylvis,

Vnde altæ optavêre trabes, anteq̃ue ruentis  
Romulidûm LVCI socium ad sacra robora fulcrum,  
Vnde sibi stirpes spoliatae compare casti  
Materiem petiere Tori, rædasq̃; novellas  
Ex voto legere viri, juvenesq̃; senesq̃;  
Hinc avus ille tuus Saxo Septemvir, & alter  
Marchio septemvir cõsorte statumine plantæ  
Ritè Maritarunt viduatas vitibus vltimos;  
Septemvirq̃ue Palatinus Fratri, (ecce!) Rudolphi,  
Diva, tui, consobriam ex Patruo CASIMIRO  
Iunxit & ipse suam: propriamq̃ue dicavit Anhalto  
Saxonis Augusti neptem, Regisq̃; proneptem,  
Quorum hic & proavus tuus, ille Avus, atq̃; ita per te  
Ascaniusq̃; tuus, Princeps, Lanulq̃; Georgus  
Coniugio affines fiunt, qui sanguine Fratres;  
Tã bene Anhaltinis inter se convenit VRSIS.  
Quid loquar? ut Matris frater de nomine CHRISTI  
Nomen habens Saxo, dum fata Deusq̃, sinebant  
Ensifer, Ascanium gaudentem nomine CHRISTI  
Suspexitq̃; ducem, & fratris dilexit amore.  
Vnaque non solum Alcanio de nomine tellus  
Clarescit, sed laus & gloria gentis Anhalte  
Solis vtramq̃; domum meritis fama; replevit.  
Nullaq̃; Teutonico (liceat mihi nota fateri)  
Sanguine clara domus Pietate & stirpe vetusta,  
Antiquaq̃; Fide in tantum processit Honorem.  
Omniaque vt desint, quæ rara, & cara feruntur,  
Quem sequeris, Patris, Fratrumq̃; idemq̃; sororum,  
Matrisq̃; ipsius tuus vxor præstat amorem,  
Mox etiam his cunctis quod præstet amore futurus,  
Dum ligat vnanimi generis, cordiq̃; toniq̃;  
Pace duos Deus, & de binis efficit vnum,

Quod



Quodq; rei caput est, quod classem ante omnia ducit,  
Hic caput, hic Frater Christus, communia cuius  
Membra sumus, caput & corpus commune professi;  
Hic Pater ipse Deus, sanctorum Ecclesia Mater,  
Patriaque hic, cuius civem esse amplissima laus est.

Nec tibi religio sit, Religione teneri,  
Nobiscumque sacris de fontibus Israelis  
Manantes rivos, laticesque haurire salutis;  
Quos sancti proceres ante & post secula Christi,  
Quos & Lutherus quos & fodere Philippus,  
Teutoniaq; ducum vel gloria prima **GEORGVS**  
Ascanius, diu quem non trivisse labellum  
Pœnituit verbo, populosq; docere, sacraeque,  
Esse Sacerdotem Vestæ, Christiq; ministrum.  
Non ignara adeo gestamus pectora Veri,  
Nec tam aversus equos Sol Christus ab **Ascane terra**  
Iungit, ut acculat pietatem ignobile vulgus,  
Sætantum crepitu Corybantum, & vocibus aspris,  
Vocibus & facibus furiatum, œtroq; canoro.  
Nullæ hic insidiæ tales, absiste vereri;  
Non Proteus, non Metra latet, rectisq; cothurni  
Compositi fabricis. Neu sit dubitabile verum,  
Fas mihi sit niveis **CVRRVM** vidisse quadrigis,  
Quali more solent res sæpe videre Poëta,  
Quò te quò patrias Sponius deducet ad arces;  
Quem non Vulcanus, claudus Faber ille Deorum  
Nescio quis, scelerata insculpens furtiva Deorum,  
Sed manus artificum celatum opus, atque politum  
Condidit affibere, atque sacris latus omne figuris  
Intus & externis supra distinxit & intra.  
Hic ubi picta notis, ubi sculpta, & scripta putabis  
Quæ capita, & fidei articulos, (quos dicimus) alma,

Quæ

Quæq; adeò vnanimi æternæ monumenta salutis  
Discimus assensa, vobiscumq; ore fatemur.  
Principiò, vt Legem Deus edidit ore tonanti  
Monte super Sinai, tabulis & marmore scriptam,  
Quâq; quid Esse suū, & quid Velle sit, usq; profatur:  
Vtq; Evangelij condant nova dogmata Christus,  
Iratum flectens Patrem Themidosque rigorem,  
Atque luens proprio mundi peccata cruore,  
Afferat ut coelo turbam pietate fidelem,

Denique ne ficto, ne te quasi carmine picto,  
Atque per ambages, & longa exorsa moremur,  
Credimus, (ecce!) Deum in Patrem, cui summa potestas:  
Qui mare, qui terras, qui cœlum & cuncta creavit:  
Hinc contra Samium, contra Arium, Eunomiumq;  
Nestorium contra, contra Eutythis impia scripta,  
Impia perpetuâ penitus damnanda liturâ,  
Flaccidaque aduersus monstrosi crimina Flacci,  
Credimus in Natum, Christum, Patris unicum Iesum,  
Æternum, æqualem Dominumq; Deumq; parenti,  
Quem Sancto peperit conceptum Flamine Virgo:  
Qui passus mala multa, cruci, damnante Pilato,  
Affixus, letum subiit: claususq; sepulchro  
Infera lustravit loca: surgensque inde revixit,  
Sole ter exorto: conscendit ad astra, sedetque  
Ad dextram Patris, unde ultor, justusque redibit  
Viventum pariter Iudex vitæque carentum.  
Contra etiam ac Macedo, & sancti spiraminis hostes,  
Credimus in Sanctum Spiramen, sancta piorum  
Agmina vbiq; fovens semper, gratisque remitti  
Delicta & noxas: dum corpora functa sepulchris  
Surgant, & nullis claudatur finibus ævum.

Tum petimus, Superum quæ vult Pater ipse rogari:

Vt

Vt celebrata sui sanctescat gloria, honorque  
Nominis: adveniat regnum, fiatque voluntas:  
Nos hodie pascat; condonet debita: parcat  
Tentando fragiles: defendat ab hoste, malisque.  
Certaque nos teneat tanti ut fiducia voti,  
Dia salutiferis firmamus pacta sigillis:  
Nilque exorcismos, commentaque vana morati,  
Rite salutari infantes lustramus in unda.  
Oblatos Christo cives, nomenque professos.  
Rite celebramus convivia mystica Coenae,  
Participes Carnis Christi, tuisque cruoris,  
Solius addicti jurare in verba Magistri,  
Qui Via, qui Vita est, qui norma & regula Veri.  
Sumina carnivorum procul hinc, & rulina, & ora  
Cruda Capharnaidum, procul hinc mera signa crepantes:  
Missaque Tartareo Cerealis Eleusis ab antro.  
Rite magistratum colimus, sanctumque Senatum.  
Rite TORVM instruimus, sacra naturamque secuti:  
Postquam pacta fides thalami, cum compare Sponsus,  
Mularumque choro laetis stipatus amicis  
Procedit, delubra petit: comtulque sacerdos  
Praefatur superos, thalami praefatur honorem:  
Ut Paradisiacis sancitus hic ordo sit hortis,  
Dum referebat adhuc Adamus imagine Divos:  
Utque sit ante omnes prima haec lex condita leges:  
Ut sit amicitiae nervus firmissimus: utque  
Natus honestarum tædas è coniuge Christus;  
Utque merum conviva è Doridos hauserit urna.  
Commodaque enumerat, quot Verna rosaria flores,  
Hyblaque habet quot apes, quot sidera continet æther.  
Hinc Sponsi officium memorat, munusque Maritæ,  
Fata statumque canens, partisque utriusque labores.

E

Ipsa

Ipse eunt, Dominumq; marem agnoscatq;, colatq;  
In domo sua domus, ac pareat ultro,  
Quaeq; parandi parat, pariatq; & parta tueri  
Debet, & assiduam formet sua pignora curam.  
Ipse nec est pedibus, ceu nec de vertice sumtam,  
Sed costam lateri exemptam, cordiq; propinquam  
Noverit, & sociam fido amplectatur amore,  
Non aliter cari proprios quam corporis artus;  
Sponsa velut Christo est dilecta Ecclesia Sponso,  
De lateris recreata haustu, atque extracta cruenti,  
Ergo animo iustos obeat dextraq; labores,  
Quos & conditio, & vitae quos postulat usus,  
Sacrilegi quamvis ob furta luenda parentis  
Promolli violam, pro purpureo Narcisso  
Carduus, & spinis surgat Palurus acutis,  
Lappaq; tribuliq;, interq; nitentia culta  
Infelix lolium, & steriles dominantur avenae.  
Interea, amborum jungens per mutua dextras,  
Foedera in teste Deo ter maiestate corusco,  
Sancit, & aeterno jungit duo pectora vinclo,  
CONIVGIUMq; vocat porrò, & benedicere pergit,  
Inde auro, gemmisq; gravem radiantibus orbem  
Sponsa capit digito, memorabile pignus amoris;  
Quali mutuiter maectatur dote maritus.  
Fausa q; certatim conviva fata precantur.  
Tum pietate gravem precibusq; imitantur amicam,  
Accincti dapibus, structisque ex ordine mensis,  
Postquam prima quies epulis, Genioque litatum,  
Gratia Dijs agitur superis, ducibusque benignis!  
Differitur placidè; prout cuiq; est copia rerum,  
Prout cuiq; est animus, saltatur, ludatur, itur,  
Propter dormitur, & caetera sacra sequantur;

Quae

Quæ veneranda sciunt, quibus est ca cura, mariti.  
Tu modò, Diva, veni! tibi sacra torulq; paratas  
Nec dubita, quoniam fato connubia fiunt,  
Hæc fato fieri quoq;, nec sine numine Christi:  
Qui te qui multis lectam de millibus unam  
VRSO conciliat concordia pace LEÆNAM.  
Quæ facies, faciente Deo, cognoscat ut orbis,  
Ecquæ progenies, ecquæ divina propago  
Venit Anhaltinis semper clementibus aulis,  
Semper Atestinis venit sublimibus aulis:  
Vota eadem, tanta inter totq; negotia, PATRI  
Magnanimo, quem castra vetant cfferre potenti  
Marte pedem; patriis prudens vbi consulit oris:  
Mente tamen sequitur, generoso pectore præsens,  
Promptus, & accinctus, sortemq; in utramq; paratus,  
Parcere subjectis, aut debellare superbos.

F I N I S.



Faint, illegible text, likely bleed-through from the reverse side of the page.

F I N I S



№ 1996.

8

U

ULB Halle 3  
 002 063 808



Sh

nicht aufg., da unvollst. u.  
nicht zu ermitteln!

28 a / 50 / 1996 /


U 8 17

M

DX









B.I.G.

Farbkarte #13

Blue Cyan Green Yellow Red Magenta White 3/Color Black



80.  
100

incipi ac

ALPHO,  
LTINO, CO.  
OMINO SER-  
gi, &c.

Principe ac  
on.

HEDWIGE,

. ET ILLV.  
omni,

VI IVLII,

icis Brunsvic. &  
c. Filia

erbyti A. D. XXIX.

sanq; illustrissimam  
Calend. Martij

o 6.

um ab

CONRECTO-  
restanae.

hler, Anno M. DC. VI.

